


No Afiliado Gubernamentalga comunas, comunidades tuya'kaen
faesû a'indekhû tisû'paningae in'jamba kansasûndekhû sinjû
Ecuatiriana'sûfae jakansûndekhû khûiñakaña'chu faesû
a'indekû'khû ka'nimba na'sû da khen kamakañe va kurifin'di
Bicorredor Amazónicos khen afa'chune thû'se'chu



Invitación para postulación del o la Director/a No Afiliado Gubernamental
representante de comunas, comunidades, pueblos y nacionalidades indígenas de la
Amazonía Ecuatoriana para participar en el Fondo Biocorredor Amazónicos

NACIONALIDAD AI 'KOFÁN





No Afiliado Gubernamentalga comunas, comunidades tuya'kaen faesû a'indekhû tisû'paningae in'jamba kansesûndekhû sinjû Ecuatiriana'sûfae jakansûndekhû khûiñakaña'chu faesû a'indekhû'khû ka'nimba na'sû da khen kamakañe va kurifin'di Bicorredor Amazónicos khen afa'chune thû'se'chu

Injenge'chu na'sû pûi aindekhû kankhe'sû tuya'kaen pûi tisûningae in'jamba, afapa va sinjû Ecuatorianani kansesûndekhû:

Bicorredor Amazónico khen afa'chu kurifin'dita'tsû sumbu khuangi tive pa'khu dûsûchuite 2024 kankhefani fae fûitejethi kurifin'dive mechua tuya'kaen gringu andeni mingae kurifin'dima isû'jeçhuvекhe metshi ingi tsampine tuya'kaen tûmbitshia'ne shakapane isûya'chuve Ecuador andenga The Nature Conservancy (TNC), faesû ande'sû kurifin'di gringu andema tî'tshe jukhaninage anga'sû(DFC) tuya'kaen kurifin'dima ambian'jenthi ethi faesû ande'sû jokhaningae anga'sû(BID).

Kurifin'di BCA khen sû'chu in'jan'chuta ta tsû(i) injenge'chu'ye sumbu'chu kurifin'dive tha'thapa afapa fûiteye kaentsû pa'khu andeni tuya'kaen na'eni jin'chuma cuirapa an'bian'faye; (ii) Pa'khu tsampini kanse'chudekhûma cuirapa tuengatsheyi an'biañe; (iii) mingae tsuña'chuma cambia tî'tshe jukhaningae angaya'chu tsampi tuya'kaen tsani kanse'chuma sefa'ma'sia've injamba; (iv) ñutshe in'jan'chuma sefa'ma'sia've anshamba tî'tshe jukhaningae angaye; (v) pûi aindekhû, tuya'kaen khaningae injamba afapa kansesûndekhû kankhedenkhû Amazonia'su sinjûni jin'chuma ta'ya've khûtsiamba tî'tshe jukhaningae sefa'ma'sia've angaye tisû'pa kansekhenigae; tuya'kaen, (vi) pa'khune afa'ta mingae ushapa tsumba anga'ja in'jaña'chu tsû Ecuador andema cuirapa an'biañe, tuya'kaen (b) fûiteya'chu Bicorredor Amazónico tisûningae in'jamba tsumba jayí'chuma.

Bicorredor Amazónicove ñuñachuta'tsû sumbueñe tsama Kamba in'jamba usha'chu injenge'chuve tsumba nasûndekhû manda'chuma pañamba pakhu tsampini, andeni tuya'kaen ansitshia tsa'khûni jin'chuma ñutshe sefa'masia've semamba angaye va sinjû ecuatorianama.

BCA khen sû'chu kurifin'dita'tsû ñuñachu kaentsû pa'khu ingi kanse'chuni jin'chuyi tisûiyi tsangae jiñe, kaentsû uyapa usha'chu tsampini u andeni kanse'chuma cuirapa an'biañe. BCA'sû kurifin'dita'tsû afeyeya fûite'jechu nasûpanga tuya'kaen tisûiyi semamba jiñasûndekhûnga(ONG, aindekhû bupa tansimba kanse'chumbe, atesû'jethimbe, tisû'pa ñuñamba sema'jenthimbe) khûiñakañe thû'se'fa'chuma pañamba a'tatshe kamakhukamba isûya'chu.

Tsa napiya'chungu tsuñe'da'tsû tsa kurifin'dija khe'jiyi nasûndekhûve an'bian, khuanifae tsû nasûndekhûne kan'jen'fa, fae'khu TNCne tuya'kaen faefayi atesûchundekhû ingi ande'sû tuya'kaen faesû ande'sû fuitesûndekhû, akhia a'indekhû, atesû'jethi'sû, kurifin'dine atesû'chufae tuya'kaen a'indekhû comunas, comunidadesve dapa kansefa'chu tuya'kaen a'indekhû khaninagae afa'je'chundekhû sinjû ecuatorianani kansesûndekhû.



Jañu'ningaeta'tsû Bicorrecedor'sû bu'chujá an'bian faefayi semasûndekhûve:

- Fae na'sû TNC'sû.
- Fae na'sû Organización faesû ande'sû.
- Fae pûshesû na'sû organización social va'thi'sû.
- Fae pûshesû na'sû Ministerio Gobierno'sû sumbuen'chu tsampine kaña'sûve khûtsian'chu.
- Fae na'sû Ministerio Gobierno'sû sumbuen'chu faesû ande'sû tsun'jen'chuma kaña'sûve.

Va kurifin'di jin'chuma naniña'chuve nepiye injamba tuya'kaen ande tevaen'jeni jinkhia'kaen tsuñe tsû injenge atesû'chu na'sûsûmbi'chua atesû'jethisû, kurifin'di jin'chu'sû tuya'kaen comunas, comunidadesve dapa kansefa'chu tuya'kaen a'indekhû khaninagae afa'je'chundekhû sinjû ecuatorianani kansesûndekhûma ka'niañe.

Va tsun'jen'chuta'tsû afe'poen'chumbi tsa'ma tsa kurifin'di'sûyi tsû pa'khu nasûndekhû bu'sû, atesûye faesû tsuñá'chu jin'chungá jakamba kati'je'chu kurifin'dimajan afe'poeña ju'sû ingi andeni jakan'chuma(a nivel nacional).

Tise ña'me injenge'chuma tsun'jeña'chuta'tsû:

- (i) Jû khen sûye, kaña'jeñe pûi se tuya'kaen injenge'nija khangae ñuñá'ñakhaye fae kankhefave semañe ñuñá'chuma tuya'kaen kurifin'dimakhe (ma'thinga injenge'nijan).
- (ii) Jû khen sûye, kaña'jeñe pûi se tuya'kaen injenge'nija khangae ñuñá'ñakhaye tise'pa tsun'jen'chu tsa kurifin'di tuya'kaen tsa sema'jenchundekhûma;
- (iii) Jû khen sûye, kaña'jeñe pûi se tuya'kaen injenge'nija khangae ñuñá'ñakhaye (ma'thinga injenge'nijan) tsa tevaen'jen kunda'chuma tuya'kaen injanga tisû in'jamba tsun'jen'chu tuya'kaen tisû tsumba jayí'chu.
- (iv) Jû khen sûye, kaña'jeñe pûi se tuya'kaen injenge'nija khangae ñuñá'ñakhaye (ma'thinga injenge'nijan) tsane'tsû jjin ushá'chu mingae tsumba jaye kunda'chu;
- (v) Kamba jû khen sûye pa'khu min'gae tsuñá'chuma tsumbi'ta faesû afepoensûndekhûma tsa tevaen ñuñamba sema'jen'chu tsumbi'ta kamba kundaye mingae tsuñá'chu u junguesûne'tsû tsa kurifin'dima sumbuen'chu;
- (vi) In'jamba afa in'jaeñe mingae tevaen ñuñamba sema'jen'chuma isûye tuya'kaen kanjaeñe mingae tsumba semansitsû fuitesûndekhûja tí'tshe fûiteñakha'faya.
- (vii) Tansiañe mingae tsumba kurifin'dima khûiñaña'chu tuya'kaen tsa kurifin'dima khûiñasi jû khen sûye tsa tuya'kaen faesûve'khe.

Va kundase'chui'khû tuya'kaen kamakhupa tsun'chu, pûiyi'khumbe tuya'kaen tsekhûni kan'jeña'chungá nepiye in'jan'chui'khûngi thû'se'fa vani teva'vaen'chuma kanjamba paña'faye; jiña'tsû internetni va'thingaki ka'nimba kañe ushaya (<https://fondobiocorredoramazonico.org/oportunidades/>) la web del Fondo kene injenge'chunijan tuya'kaen va tevaen'jeni jinkhia'kaen teven'jema an'bianjan, ke inisema maenjan tsani iñajan'chuma va correonga



asesoriajuridica@fondobiocorredoramazonico.org khathûfayi a'ta aitsuveite khuvû'sû,
2025 kankhefa'sû.

Sebastián Valdivieso
Secretario de la Junta del Fondo BCA



